



**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 29. Mater & filia à morte, alij ab alijs mor bis liberantur.

---

[urn:nbn:de:hbz:466:1-64112](#)

stis opis modo expertæ memor , tantum miraculum haud frustra esse credidit . Itaque vnde auxilium aduersus tela inimicorum adsuerat , indidem medicinā vulneribus spe rare coepit . Ecce nouum miraculum : B. Virgo impensis ab illo implorata , coelestem plagi facit repente medicinam . Ergo ille omnium opinione mortuus , repente sanus vegetusque surgit è lecto . Lauretumque profectus , vota persoluit , illustre Lauretani auxilij documētum : bis quippe vno tempore à media morte reuocatus . Proinde à notis , ignotisque non iam Io. Philippus appellabatur , sed Lazarus rediuius .

*Mater, & filia à morte, alij ab alijs morbis  
liberantur. Cap. XXIX.*

**H**AUD MAIOR in vulneribus , quam in morbis sanandis , per ea tempora Virginis Lauretanæ vis exstitit . Melido quidam fuit è Vasto vrbe Samnitium , cuius vxor , & filia gravi , diuturnaque febri pariter afflictatæ iacebant morti proximæ . Iamque sacris candelis ad capita earum de more adcensis , simul ambæ agebant animam ; cum Melido , qui vtramque vnicet diligebat , ultima experiri statuit . Igitur dolore ardens procumbit in genua : & manantibus vbertim lacrymis , Lauretanæ Virginis opem implorat : supplicationi votum addit , plurimum in Deiparæ beatitudinatate spei reponens . Et spes nequaquam eum sefellit : mira res . repente coniux , & filia periculo exemptæ , paucisque diebus persanatae . Inde à Melidone Lauretum adductæ , vota pro ipsarum salute suscepta Deiparæ Virginis reddiderunt , anno M. D. LVI. Insecuto anno Iohannes Petrus Florentinus ex Anna Bassa Vercelleni coniuge sua filiolam genuerat , vtroque lumine penitus captam . Qua baptismō rite lustrata , Anna mater Lauretanam Virginem enixe inuocans vouet , si puellæ vnius saltem ocu li vslus

Cxix in folio  
utrumque he  
quintus oculo  
dicitur .

Ann. Laur.  
Riceræ.

li vsus redderetur, eam abse Lauretum primo quoque tempore delatum iri. Id votum B. Mariæ cordi fuisse statim apparuit. Extemplo nulla humana ope infans cæca altero videre oculo cœpit. Mater ergo voti haud parum memor, impigre Lauretum petit, lusciam gestans filiam suum materiem noui miraculi, nō solum veteris testem futuram.

Cæcē infan  
tilumē red  
ditur oculo  
rum.

Quo propius Lauretanam accedebat Domum, hoc melius puella cernebat. Itaque postquam gratulabunda sacrosanctam Virginis intravit cellam (is dies fuit III. Non. Maij anno huius seculi LXXX.) dextro oculo plane videbat: iamque etiam sinistro videre cœperat. adeo Deus Dei que parens vota exsuperant piorum. Sequitur aliud in disparity genere non dispar fortasse miraculum. Angelo Bernardinio ex Aemilia, parvus erat filius, cui inter edendū, Puer tran  
suersum, &  
exscutitur  
ex gutture.

os (ex carne opinor, id enim non traditur) transuersum hæsit in gutture, adeo quidem pertinaciter, ut nulla humana opē excuti posset: & tumorem gutturis consecuta febricula puerum acrius vrgebat. Iam puer exigua in spe trahebat animam, cum pater carissimum filium moribundum intuens, obortis lacrymis Lauretanam Virginē suppliciter implorat. Nec mora, puer extusito osse, diuinitus imminentī periculo eripitur. E vestigio à patre Lauretum adiectus B. Mariæ sistitur. Ibi dum votum exsoluit (vt cumulatum foret beneficium) febricula etiam, quæ ex morbo erat reliqua, liberatur. Excipit aliud vſitatius, sed tamen non omittendum. Petrus Maria Florentinus diutinis podagræ doloribus confectus, adeo iam captus erat pedibus, vt sine adminiculis (cruces appellant) reptare non posset. Tandem igitur damnata medentium ope, Lauretanam Virginem enixe inuocat. Nec frustra preces fuerunt. Protinus depulso diuinitus morbo, vsum recuperat pedū, & Lauretum profectus gratias agit Virgini. Inde cruces ipsas, quibus æger subniti assueuerat, apud sacrosanctum facellum suspendit miraculi argumenta.

Podagrinos  
liberatur.

Tres

*Tres Ciuitates pestilentia liberantur .*

*Cap. XXX.*

**I**lsdem temporibus Lauretana Virgo non magis ciuibus singulis, quam vniuersis ciuitatibus præsest in malis auxilium tulit. Anno huius seculi LXXVII. atrox morbi vis contagione vulgata, totam pene Siciliam peruerferat. Iamque nobilissimæ vrbes continuatis prope funeribus ex haustæ, horrenda superstitibus præbebant spectacula. Ibi Panormitana ciuitas ingruente lue, coelestem iram placare institit, ita voto, & imploratione Lauretanæ Virginis, periculum euasit. Et votum cum fide exsoluit. Exstat hodie lamina ingens argentea librarum fere nouem, vbi B. Mariæ Lauretanæ tecto insidentis expressa effigies visitur. Cui præclara imago Panhormitanæ vrbis subiecta tales praefert titulum, depulsæ luis indicium.

**FOELIX CIVITAS PANHORMI TRINACRIA METR.**

**B. VIRGINI LAVRETANAE DICAT**

**EIVS PATROCINIIS A PESTE LIBERATA.**

**AN. SAL. M.D.LXXVII.**

Biennio ferme interiecto, Anicia Galliæ vrbs non ignobilis, triduo distans à Lugduno, in grauiore etiam periculo par Lauretanæ Virginis experta est præsidium. Diutina vrgente pestilentia, colonis, ac ciuibus pene exhausta haud procul exitio abesse videbatur. Itaque ciues, qui bus adhuc lues pepercerau, tam atroci, pertinacique malo conterriti, commodissimum rati sunt, per Dei matrem placare iratum Deum. Communi ergo consilio, solenne Lauretanæ Virgini votum nuncupant: stratique passim in templo veniam delictorum, finemque morbo precibus exposcunt. Nec frustra. Nuncupationem voti ciuitatis sanitas est consecuta: mali infesta vis profigata: pristina ciuitati facies reddi cœpta. Extemplo Lauretum votiu

Annicensii  
Dona.

dona

*Ann. Laur.  
Rier.*

Panorm. pe  
stil. liberat.

Panormita-  
norum D.

dona publice per certos homines missa cum publico testimo-  
nio, quod monumentum foret, & voti ab Anienti-  
bus facti, & morbi Virginis ope depulsi. Nec Lugdunen-  
sis ciuitas Galliae clara in primis, ac nobilis, aut commu-  
nis cladis expers, aut Lauretani præsidij exsors fuit. Fœ-  
da namque lue claras iuxta, & obscuras domos populan-  
te, inopes humani auxilij Magistratus ad Deum, Deipa-  
ramque populum, ac vota verterunt. Publice voto pro ci-  
nitatis salute suscepto, Lauretanæ Virginis imploratur au-  
xilium. Extemplo auditæ preces. ægri sanati, pestilentia  
discussa. Ergo anno M.D.LXXXI. ab grata ciuitate vo-  
tiuum donum B. Virginis mittitur, nec ciuium religione,  
nec amplitudine vrbis indignum: calix ex argento cælato  
inauratus, non minus opere, quam magnitudine inter cæ-  
teros eminens. Alia præterea dona haud exigui preciū,  
magna, & Lauretani auxilij, & Lugdunensis pietatis ar-  
gumenta. Inter hæc Roberto Saxatello Pisaurensi Episcopo  
creato, Iulius Amicus subiectus, qui & si parū latus ob Lō-  
gobardia pestilentiam temporibus usus, tamen Laureta-  
nam Aedē nō parū ornauit. Per id tempus sacra supellex,

Venusini Principi D.  
Sfortiæ Pal-  
leuii. D.  
Card. Ab al-  
taemps. D.  
Comit. Bri-  
atichi D.  
Card. Est.  
Don.  
March. Va-  
sti D.  
Princ. Sul-  
mon. D.  
Card. Riarij  
D.

in iux oculos aureos, & coronam argenteam misit. Sfortia  
Pallavicinus triremem argenteam pondo librarum quin-  
que. Cardinalis Sitticus Abaltaemps pro recuperata pue-  
tri propinqua cognatione iuncti salute, eius imaginem  
ex argento expressam decem pondo. Delia Sanseuerina  
comes Briatici lychnum argenteum pensilem sane egre-  
gium pondo xxii. Cardinalis Estensis cor aureum, Mar-  
chionis Vasti coniux argenteam arculam librarum fere  
xvi. Vxor Principis Sulmonensis pollubrum, & vrceum ar-  
gentum operis, ac ponderis non poenitendi. Cardinalis  
Riarius crucem auream specie, ac precio nobilem. Mitto  
minora omnia, quæ referre operæ pretium non ducimus.

*FINIS LIBRI QVARTI.*

HORA-

Lugdun. pe-  
stil. liberat.

Lugdunen-  
sium Don.

Venusini  
Princip. D.  
Sfortiæ Pal-  
leuii. D.  
Card. Ab al-  
taemps. D.

Comit. Bri-  
atichi D.  
Card. Est.  
Don.  
March. Va-  
sti D.  
Princ. Sul-  
mon. D.

Card. Riarij  
D.